

五、三世节畧记

淡民公述

尝闻之家五叔荆山公旦明叔曰吾大父继槐公讳應宗即旦明曾祖 生隆庆庚午年二月十五亥时长英毅有为乃卸除乔口各籍而承新阳二都六甲额里也在万历丈后公由牛軌冲迁后托公築格塘尾一段因名后托塘 随荫省祭入贄吉府爰徙长沙北门外开福寺之上盐仓街即今铁佛东岳两寺之右 而乃置田百三子分焉蓋前者我房之籍南则附之株山北则湘阴已而大父卒乔口以湘阴之案悉颓落 而我伯之章亦遭妻陷没三叔之琨副室汤出母子俱不立时我父仲芝即旦明祖年十五僅及田坪之房汉元长我父一岁亦孤立由是与之朋差徭如新昆弟焉历数年屢應童子誠不售父乃人从分巡道为稿本房吏先是大父为订於監税刘公由吏员讳嘉贞之女淑在后生我兄弟八人自二兄之遊伴也邑侯某赐人文重蔚匾额啟贞间父重创业盈千僮婢约百数两朝革命之際灾荒凶疫相继以兴北门荒废矣维时乡间自八尺河而下厯湘阴益阳界凡三四十里内我父屯民庄田咸成荆抑自府城渡江由山砂矶以尽长邑西乡每年輪点大差以母帶子值年者为母以一带九 往往一人而顶一都三千之糧是谓都差莫不弃家逃矣其及我父共相赔当者今上都止尖山李姓中都关川陈姓下任侯刘姓各一二人耳父遭乱世二十余年常抱足疾故其出入乘黄犊坐大鞍铁鎖为轡当戊子之难杀人如刈蔴父乘犊遇贼牛马二覆之兵 直趋水田贼纵马追之

犊逸马於淖泥中反不能及因获免顺治甲午四八两用丧
我二兄旋丧大兄差糧之累穷年不已则惟尔父与我强相
撑持然受田糧之害两世於兹矣惟尔父年十五補弟子员
后值停贡凡十二载岁壬子已領陪薦甲寅起送吴逆适临
事遂寢又原我新阳一二三都兵燹以来直至康熙初年始
因尔父及同庠又伟任生力争於道憲得合为一都东乡十
二都原通县十五都之人咸执糧问人尔父独谓当此离乱
之后我西都子遺抛荒畝十中已八照纸上之成数荒熟同
科民向以堪值道憲亲尔父自晨至晡词气慷慨乃以允
从今近三十年来除荒徵熟而东都临湘隨援例合二为一
何非尔父惠乎兹昇平日久流民稍归土田及糧餉殆当由
舊亦即利害相因尔后人之蒙故业而及安享忘祸乱者尚
其识之自丈量后三十余年矣荆山公之即世亦近三十年
矣我仲芝公田产十失其七八矣凡远近崛起之家多非舊
族盖诚世事安在哉夫田者谚谓其累字为首当字为末而
傳亦曰犧牲之场化为黄犊之溪噫士无恒产而能克守先
绪北门诸君子盖其难也后之欲厚自植立者既不能以已
之有为为必貽之嗣子又不必以已之无为为可待之后人
日月如流冉冉者百年以后能不转舜而茫然乎哉